



# सानसेयारि बड'सा

सानसेयारि 'बड'सा' खरीरालाइयाव समाज्यादि जिउजो लोखा थाबाय रायथाय, रन्थाय, बल, बलबाथा आरो दावबायारि थावनि, पार्क बाइदिनि स्यायव लिन्नाय लिन्बिबां दैथाय ठर! सानसेयारि 'बड'सा' खरीरालाइया सेबरानाबै फोखावगोन।  
बड'सायव लिन्हन्नायनि हुबा खालाम, 'बड'सा' खरी नोथां, जो बयबो आंगो खालाम।

सानसेयारि बड'सा मावखुनि  
माइबं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 16 September, 2024 Kokrajhar, BTC, Assam ★ Vol.- 34, Issue No.172 R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-



जम्मु-खाश्मीरनि लेफ्टिनेन्ड राइज्यो बेंगिरि मनज सिन्हाआ आसामनि राइज्यो बेंगिरि लक्ष्मन प्रसाद आचार्यखौ दिने राज भवनआव लोको हमफैदों।

अरबिन्द केजरवालआ दिल्लीनि गिबि मन्थिनि मासिखौ नागारसिगोन फेगौ मंगलबारखालि मासि एंगारनाय बिलाइखौ गथायगोन



गुवाहाटी, 14 सेप्टेम्बर: जोबथे सालिनिफ्राय उदां जानायनि उनाव दोलोआरि मावफारियाफोरखौ थांखिनानै गिबि बिबुंथि होनायाव आम आदमी पार्टी (आप) नि माहारियारि लिंथुमगिरि अरबिन्द केजरवालआ दिने रबिबारखालि (□ 5 बिलाइआव)

सालाकाटि दखरा एबसुनि बान्जायनायाव रैखाथिनि फाइखि ट्रफि खुंगा 4 थि गामियारि जोलुर बादायलायनाया जोबलांबाय

खान्थालगुरि बारलां आफादआ रैखाथिनि फाइखि ट्रफि-2024 देरहासाद बान्था मोनो हदों

कक्राझार 15 सेप्टेम्बर: सालाकाटि दखरा दुलाराइ बर' फरायसा आफादनि बान्जायनायाव रैखाथिनि फाइखि ट्रफि खुंगा 4 थि गामियारि जोलुर बादायलायनाया दिनेनि जोबथा बादायलायनाया बांगालपारा माइनाव क्लाब आरो लाइब्रेरिनि गेलेग्रा फोथाराव खान्थालगुरि बारलां आफाद आरो तिलापारा सिजौ क्लाबनि गेजेराव जानानै थाडो। जोबथा



चिरांआव फिन उन्दै बैसोनि हिन्जावसाखौ जिनाहारि खालामनाय जाथाय सोमजिदों



काजलगाव, 15 सेप्टेम्बर: चिरांनि भारत-धुतान सिमना ओन्सोलाव फिन उन्दै बैसोनि हिन्जावसाखौ जिनाहारि खालामनाय जाथाय सोमजिदों। बे खेबाव गुबुन राइज्योनि सासे लांसुनियला लाइमोना सासे 5 बोसोर बैसोनि उन्दै हिन्जावसाखौ जिनाहारि खालामनायनि अजद सिखादों। जाथायनि बागै मिथिनानै ओन्सोलनि राइजो-रजाफोर जाथायनि (□ 5 बिलाइआव)

2थि 13 बोसोर सिनि आसाम इयुथ क्लाब लीग 2024-25 एइस जननि जोलुर बादायलायनाया जोबलांबाय

बड'फा एफसिआ हार्थखि एफसिखौ 6-0 गलआव फेजेनानै सेम्पियन जानो हदों



कक्राझार, 15 सेप्टेम्बर: आसाम फुटबल एस'सियेसननि बान्जायनाव खुंनय 2थि 13 बोसोर सिनि आसाम इयुथ क्लाब लीग 2024-25 नि एइस ज'ननि जोलुर (□ 5 बिलाइआव)

गोख्रों रैखाथिनि गेजेरजों कक्राझाराव आसाम थोंजों थिसन्थाय आन्जादआ खुंजाबाय

जिल्लायव गासै गं 101 आन्जाद मिरुयाव सा 69,833 बिजाथिफोरा आन्जाद लिस्टों

कक्राझार, 15 सेप्टेम्बर: स्टेट लेभेल स्क्रिप्टमेन्ट कमिसन एबा आसाम राइज्यो थाखोनि थिसन्थाय आयगआ राइज्योनि गुबुन गुबुन आन्जाद मिरुयाव थामथि थाखोनि थिसन्थायनि थाखाय खुंनय आसाम थोंजों थिसन्थाय आन्जाद सुंदयै एडिआरइ आन्जादआ दिने बिटिसिनि सदर कक्राझारावबो खुंजादों। मख'नो गोनांदि, कक्राझारनि गासै गं 101 आन्जाद मिरुयाव सा 69,833 आन्जाद होग्राफोर गोख्रों रैखाथि



रहानि गेजेरजों आन्जाद लिस्टों। मख'नो गोनांदि, कक्राझार जिल्ला खुंथाया बे आन्जादखौ जाफुंसार आरो गोजोनै खुंनयनि थाखाय नांगोबायदि साखा-फाराखौ आजावना लादोंमोन आरो बे बिथिडव कक्राझाराव जाफुंसारै एडिआरइ आन्जादआ खुंजालाडो। मख'नो गोनांदि, आन्जादखौ मोजाडै खुंनो थाखाय जिल्ला खुंथाया 163 बिएनएसएसनि सिडव माखासे बिथोन फोसावनायनि (□ 5 बिलाइआव)

कलाइगावयाव सा 1100 बिजाथिफोरा अथि थाखोनि सरकारि आन्जादव जिआयदों

कलाइगाव, 15 सेप्टेम्बर: आसामनाडे एडिआरइनि बान्जायनायाव दिने अथि थाखो आन्जादआ खुंजाबाय। मोनसे गोख्रों रैखाथि रहानि गेजेरजों बिटिसि उदालगुरि जिल्लानि सिडव थानाय कलाइगावयावबो बे आन्जादआ गोजोनै खुंजालाडो। मख'नो गोनांदि, दर आरो उदालगुरि जिल्लानि माजबात, दलगाव, रौता, खारुपेथिया, हरिसिड, भेसाग, खेरबा, शिपाझार, मंगलदै बायदि जायगानिफ्राय फेनाय साखिनि (□ 5 बिलाइआव)

पानेरियाव 30थि बड'लेण्ड मुंख्लं गोसोखां जोलुर बान्था बादायलायनाया दिनेनिफ्राय जागायजेनबाय गिबि बादायलायनायाव टाइ ब्रेकारनि गेजेरजों गुवाहाटी डाइनाम' एफ सिनि देरहासात

उदालगुरि, 15 सेप्टेम्बर: राव-थुनलाई, हारिमु बायदि जोगाथाय बिथिडव गावखौ बावसोमनायनि गेजेरजों पानेरि ओन्सोलाव गोजोनै, खौसेथि गायसन्तो थांनायाव हारिजों लोगसे ओन्सोलनि थाखाय गावनि अबथिरा जिउखौ बावसोमनो गोनां जानाय गेदेमा सुबु'फोरनि गोसोखांथिजों लोगसे नख'रनि सुबु'फोरखौ थुलुंगाखां होनायनि थांखिजों गुबुन बोसोरफोरव खुंबोनाय



बायदिनो 30थि बड'लेण्ड दखरा दुलाराइ बर' फरायसा मुंख्लं गोसोखां बान्थाया दिनेनिफ्राय जागायजेनो। पानेरि आफाद आरो पानेरि दखरा गेलेमु (□ 5 बिलाइआव)

एसएसबिआ भमराबिल गोजौ फरायसालियाव 'स्वाभाव स्वच्छता-संस्कार स्वच्छता' आयदाफारिनि सिडव साखोन-सिखोन हाबाफारि खुदों



गसाइगाव, 15 सेप्टेम्बर: गसाइगाव महकु मानि मातियाजुलियाव थानाय एसएसबिनि 31 नं. बेटेलियनि बान्जायनायाव मैया शनिबारखालि गसाइगावनि भमराबिल गोजौ (□ 5 बिलाइआव)

सोनाब कार्बि आंलंआव गाहाइ मावफुं सोद्रोमा तुलिराम रंहांआ लामा लुनायनि अन्थाइ खाम्फा गायसन्दों

गुवाहाटी, 15 सेप्टेम्बर: कार्बिआंल अटनमास काउन्सिलनि गाहाइ मावफुं सोद्रोमा तुलिराम रंहांआ नेली-उम्पेनाइनिफ्राय बिरसिंकी रंजांत आमतेरेंसिम गोदानै लुजानो गोनां पाक्का लामानि अन्थाइ खाम्फा गायसन्दों। 2022 माइथायनि कार्बिआंल जिल्ला अटनमास काउन्सिलनि बिसायख'थिनि समाव आसामनि गिबि मन्थि ऊ हिमन्त बिश्व शर्माआ राइजोआरि बाश्ना होनाय बायदिथे बे लामाखौ लुनायनि खामानिखौ जागायजेनयनि थांखिजों अन्थाइ खाम्फा गायसन्नाय हाबाफारि खुंनय जादों। मख'नो गोनांदि, 69.60 कौटि रंनि बाजेट थि खालामनाय लुजानो गोनां मख'जाथाव



बिथांखिनि थांखिया जाबाय 32.33 (□ 5 बिलाइआव)

गिबनआव थाव-गेस दिहुनो थांखि लानायखौ बोखारनो दाबिदों एसएफआइ-डिवाइएफआइ आ

गुवाहाटी, 15 सेप्टेम्बर: गिबनआव थाव आरो गेस दिहुनो मिरु सरकारआ गोनायथि होनायखौ लानानै गोख्रों हेंथाय होदों एसएफआइ आरो डिवाइएफआइनि आसाम राइज्योआरि आफादा। हलौ मोखाजों लोगेसे गुबुन-गुबुन रोखोमनि जिब-जुनात, बिफां-लाइफांखौ फोजोबखॉनो नागिरिनाय बे थांखिखौ थाबेनो बोकारफिनो मोननैबो आफादा दाबि दैखंदों। बे थांखिखौ बोकारफिनाब्बा मोननैबो आफादा जुथायै राइजो-रजाफोरनि (□ 5 बिलाइआव)

**SOVOLIN®**  
Emollient  
(...1964 निफ्राय)  
Soft, Moisturizing Cream  
Glowing Skin 5 मिनट समनि गेजेरवने  
Skin खौ लाखि "All Day Fresh"





# सिमां

मैयानि हराव आदि मा सिमां नुदोमोन,  
मैया मैया बुंसनोनो हाया।  
सानजा फैसालियाव ओंखारबोनाय  
फुबिलिनि गोरलै जारौ सानखौ नुनानै  
आंनि गोरबो बिखायादि मानो एसेबां मुहिहाबदों  
आं मानोबा एसेबो हमदां हायाखैमोन।  
आं सानदोंमोन बिनो आंनि जीउ  
गंसे जायराब देरायाव बिजोंनो  
आलो गोजोन संसारा जाफुंसारगोन।  
नाथाय जेब्ला सानजौ फुनि दुंसारनायाव  
मोदोमफुबाय बहुमाव फोथार्याथि गैयै बिसआ  
हाप्रानि जुनारफा थाखुमाबाय दंफां बिलाइयाव  
जरासे फारौआ गाब्बाय लैथो बिखायाव,  
मुश्री गैयै आयनि मिनिस्तुनायाबो  
लांसुनियाफोरनि फानदायनायाव  
जानांबाय दिने जिनाहारि।  
हतसुरिया बिमानि अगियाय फिसा नों  
बुंलांबाय आंखौ बेलासि बुब्लिया अब्ला ?  
थे गैयै देहाखौ लानानै नाजादोंमोन आं  
लोगो हमथारगोन जोबथा फैसालियाव।  
नाथाइ, गुस्थियाव जारौ मिनिनायजों  
खोमसि गोसोयै बुंलांबायल' बियो,  
अनजालु नौनि सिमाड,  
सिगांआवनो थाथोंदे  
गुबुननो दाफोरमाय

मुस्त्रि जालाउ बसुमतारि  
गामि- रनछाइधाम  
गामि- रनछाइपारा  
जिला- चिरां, बि टि सि।

## दादुरा सैमा

गोजांनयनि जारलायाव लान्जाय फायश्रमनानै उन्दुना दड  
सोरबा अर सायलानाय हांगार खाथियाव।  
सोरनिबा मोदोमा दादु जानाय बिगुर गैयै  
लंथ -लंथ खारगसिनो दड मॅनाय बानायखौ नागारनानै।  
लामा सेरनि बै जाबोर दामोलाव  
दाखुरा सैमाया उदैनि जारलायाव.....  
आवथालि फावथालि समाइना भावजों  
अरलु गसिनो दड  
थरसे मानिबा गोरान हारा,  
सोरबा अरसिनो नाजादों जुथा गिजिखौनो  
माबाफोर गैयै जुनारनि गेसाव बिगुर सान्नानै,  
थरथिसे मिलौदो बिदे मोनजानायनि आसायाव  
सोरनिबा खाफालाव बेबो गैबाबा,  
खायसे गावजों गाव अरलायदों।  
खबसे आदारनि थाखाय  
बरादनि लिरनायाव खायसे सैमाया.....  
मानसि महरयै गाखो लांफादों  
सोरनिबा जिबसि गारियाव,  
सिउ-सिउ बुदेर फानाय गारिनि बारा  
गोजां होबावदोंमोन दादु जानाय बै सैमाखौ।  
गावसिनि हावरिया सैमाफोरखौ नुनानै  
जंखायलांदों गारि सानिफ्राय!  
बाइ बाइ दस्त।

मुस्त्रि खातारी जौटि  
कक्राझार मिउजिक एन्ड  
फाइन आर्ट कलेज

## दिखारनि हांमा

आंनि जीउनि सिमांनि मोदाय  
बिखायाव थानानै नों  
दुखु दाहा होयो मानो, हायनारी ?  
आखाय फोलाव फोलाव  
लिंहेरो नों अनसुला खालामो।  
जीउ आरो सिमांनि आबि सारफावनो  
फैलाव बाला बारीनि बारा बारफिननो  
नौनि बिखायाव जेब्लाबो उनफलेनो हाया,।  
सहायनो हायै बारनि जेथोआव,  
गोदान जीउनि गोहो होफिननो  
नौनि गोसोनि साननायखौ जाफुं होनो हालिया  
जादों नोंहा दुखु मानि दिखारवा हांमा।  
जादों नोंहा दाहा मानि हांमायाव  
गोदोनि बाश्रा जवान बान्था नाथाय नों।  
सानै नों बाश्रा राइज्जायनायनि,  
सिमांनि मोनसे देरा लुनायनि  
देंखो बोनायनि सावगारीयाव  
मिजिं गैयै लामा दवथायाव।,  
सानदों दासो हारसिडे हायनारीया सिरि सिरि  
इयुन मिजिक गोगोमै गान्थि खानो।

मुस्त्रि रनदा बसुमतारि  
काराइगाव स्कुल  
गामि- कात्रीबारी  
ला:सो:- रुणीकाता।

# सिमां

सोरां जेनायनि आलाय आरनाव  
बायदि गाबनि गोमो-गोजा रिथिखांबाय  
आंनि भुम लांगोनायाव ;  
आगर गुबैनि रोमोदो दखना गान्ना  
साद-दान्दालि रिसम खानायखौ हगारसारना,  
मंगलिया गाबनि जारौ खाफालाव गोजा फोथा थुना  
महि सुरद'-सुरद' नुजाथि फैबाय नों अनजालि  
संसारखौ सोरां होफैबाय ;  
नौनि महरखौ नुनानै मुहिनि नांबाय  
गोसोआ आंनि खामगिल लाडे नौनि सायाव  
बैसागनि सिमब्रेनाय बारजों सिरिलाडे  
गोरलै बिलाय सहायनो हाया ;  
फुंबिलिनि जायखलं समयना गोजों मिजिं  
जौमोननि दगलाबसे जोमै  
खोबथे फैना खालामबाय आनलेद।  
फागुनिनि जावलिना बारजों मानदार मोनहाबो  
बोदोर जायो-  
आंनि गोसोआबो मानिबा सिमां नुयो।  
सोरगोनि अलंबार नों अराय मुहिना  
गोरबो गावो, हासथायो बावलि गोसोआ  
Dirty (दाखोरबारि) निफ्राय माबोरै मोनहरनो!  
समाया-मदरा आदि Compare (रुजु)जाथावा।

सोरां जेनायनिफ्राय अनजालि साना  
बराय-बराय लांथोंसै सोनाब रुबैसिम  
जीउनि आंगो सान्नाय मोखां फांथेनायै  
बे रुंगु फारसे दिडखौ जावलांनो  
सानलावरिआ दाखाय-दाखाय थिनबाय।  
(Hearty) गोबोंजों मोजां मोन्नाया अलंबार रजे  
नौनि खोरुम खोरुम सारअनथाय गावनायाव  
गोसोखौ लोरबां-थोरबां खालामलांनो  
मानोबा गिदिं फिनो बे लामाजों फैया नों ;  
गोसोआव दाजाब-दानख' जाबावब्ला  
गारि लं खेव-खेव मोदोम साजों  
आं लामानि अनथाय।

सान हाबनायनि सिगां आं खावलायो अलंबार  
मिथिस्ताबै नौनि जेआव गोरलैना  
दोंसे खन्थाय सुजुनायाव गोरौन्थि जादोंब्ला  
निमाहा होदो!गोमो-गोथां सान्नाय गैया।  
फुरनिमा नोंखौ गोसो थोनाया  
नोंखौ हासथायनाया जुगे-जुगे थाबाय थागोन  
दाखोर बारियावबो गोमोर लाड।  
हादि रजे.....  
गैयादि रजे नौनि अनगायै  
थिनहरदों गिरिया दिन्थिनो संसाराव  
नौनि आंनि भावथिना गोसो मोनसेनि।  
खोमिस मुलुगखौ गार्लेम-गार्लेम  
लाबोगोन आं नोनि सोरांखौ  
हायो-हाया नेनानै थाबाय आंगो देरायाव.....

बिजयसिं बसुमतारि  
कक्राझार कलेज।

## अनजुलि रजे

अनदोंमोन नों रजे  
सिबिदोंमोन नों  
दिनै..... !!  
मानि थाखाय  
माखौ लाना, मा सान्नानै,  
गोबोंयाव दावदाव दोनलांखो;  
बुजि मोना-मोना  
हमस'नो हाया, हमदां हाया  
उदां जीउयाव खालामलांबाय नों;  
दाहा गलांबाय बायफलेनाय गैयै संसाराव।  
नौनि सिबिनाय, नौनि फोथायनाय  
बोजोबदोंमोन आं रजे;  
दिनै..... !!  
मानो नाजाव दिया आंनि अन्याय।  
मिथिबाय रजे;  
बेफोर सम आरो मुगानि भावथिना  
गोबों बिखाया गावलांबाय  
बायफलेलांबाय गोबों गोसोया  
नंखाय जीउनि दिड जावलांनयाव  
मिथिबाय, बे नंखाय मोजां मोन्नायनि गेजेरजों  
गोसो गोबों जीउ सोलेरा बायफलेलांबाय  
देहा सोलेरा लोरबां जालांबाय  
गोसोनि मिजिया लैथोयाव दोबैलांबाय  
गोजावलांबाय रजेया बुलु बुथुराव  
जानांबाय आ गोदाव सोराव।  
जोबबाय।

उज्जल ब्रह्म

# रंजालि गथ'फोरनि सौरा

## बेनोथ'

सोंदों फिनदों  
नागिरदों मोनदों  
दोरबि फिथर  
गाबनाय मिनिनाय  
संसार लैथो  
जोनोम आगोमा  
हाथरखि थुखलायो  
नौनि आंनि  
दथ'खा लामा  
गोसो थोलायनाय  
मोजां मोनलायनाय  
सुहाबो मोदोमो  
बिबारि एम सिमां  
उखैहाबनाय अन्थाइ रागाम  
बादामालि खाफनाय  
मेथाइ खनो  
आमाय जुमाय  
दं थानानै दाबो  
हिमालय हाजो  
सिंखाव सिंखाव  
गोरोबलांनया गंसे गाथोन.....

इउनसा बर'  
गुवाहटी

## रजेजों लोगोसे

नौनि सेराव  
जानानै जोमै,  
हास्तायो थानो  
लोगोसे नोंजों रजे,  
अखोरनि सायाव।

रकी नार्जिरी  
बर' बाजार सोलेंसालिमा,  
चिरां

## दाजाब दानख'

दाजाब दानखौनो लाना थायो जों  
आला-खाला जाना  
थेनाय, थानाय,  
दुखु दाहा  
सुखु गोजोन,  
गाबनाय मिनिनाय,  
बुलाय, सुलाय,  
बेराम देहा, सुखुनि देहा,  
देखोनि जिउ, सिमांनि जिउ  
बेफोर गासैबो जौनि  
दाजाब दानख'सो।  
बेवहाय जोंहा समाय नांगो,  
दुखु मोननांगो गैया  
बहुमारिफोर।  
थे बहुमारिफोर  
दाजाब दानख'ब्लाबो,  
जों मोनसे लामाजोंनो थानो  
जायलामानि थाखाय जों साननानै दुखु मोनब्लाबो  
जों बे लामाखौ नागारनो हाखाया  
नागारनो सानब्लाबो,  
बहुमनि, दाव, जिब, एमफौ, बिफां-लाइफां  
जों गासैबो मानोबा  
बे मोनसे लामाखौ लानानैनो नारा-नाथा,  
मानोबा होंगो-दोंगो  
दाजाब दानख' जानानै दसे।  
बे संसारनि साया बहुमाव।

मुस्त्रि रातुल बर'  
गामि- कलह बारी  
ला:सो:- आथियाबारी  
जिला- बागसा, बि टि सि ( आसाम )

## बुंनंगौ नौनिसिम

अब्ला नों बुंनंगोखौ नों आसुं आबुडे  
आंबो आंनि बुंनंगोखौ आंबो बुंनानै  
फिन बिदाय समाव।  
नौनि गुरै गुस्थिखौ  
आंनिजों गोरोबफा होन्ना  
नों आंखौ खुदुमोब्ला  
बुहुमाव मोन्नो थाडे।  
सोरगोयाव हानाय अमृत बिदैन  
आखायाव आंनावबो नांनया बायदि  
बेसेदि गोजोन सुदेम मिलौहाबनाय जौनि  
अन्नाय मोजां मोनज्जायनायाव  
नाथाय मिथिआ रजे समनि फखनाव  
बिदिन्थानि गेले होनायआ मा खालाम लाडे  
जौनि इयुन जीउनि दैथुम

## मुसुखाया मोगथां जिउ मोनो

गोसोखौ लाथिख' नख'रांयाव  
बिरहोना नंखायै जिउखौ  
बेसे बुरखाय बावनो

मोननाय गोमानायनि आनथोरजों  
नेवसि जानाय हांमानि  
मुसुखाया मोगथां जिउ मोनो।

सबिराम बर'  
राबां, बाक्सा

## गोरोबनै खन्थाइ

खन्थाइ होन्नाया जाबाय  
गोरबोनि सानसि फोरमायथाय

खन्थाइ होन्नाया जाबाय  
सोदोब सायख' सायख'  
रेबनाय

खन्थाइ रेबनायखौ अराय सम  
खालामनानै लाबाय आंथुम

-रैदोम बर', बाक्सा

## नोजोरनि सोरगिदिं

मोजां मोननायनि बोरथिंवायनाय  
गोसोनि बेरामसो बियो लाइमोनफोरनि  
नोजोरनि सोरगिदिं मेगनखौ फिदिंबोलानो  
नुनो लुबैयो आं नौनि मुहिनाय महरखौ अनजालि।

गोबों बुंजासे नोंखौ मोजां मोत्राय  
फिथिखाजों फेगिलयो आं नौनि महरआव  
सान-हरनि बिदिन्थानि गेलेनायाव रजे आंबो  
नोंजों गेलेनो लुबैयो बेरे सिखिनि जानानै नौनि बागानाव।

नोजोरनि सोरगिदिं मेगनखौ फिदिंबोलानो  
अराय नुनो हास्थायो आं नोंखौनो अनजालि स'ना  
गोसोया जालांबाय आंनि नोरजिया नोंखौ हास्थायबायना  
मोजां मोत्रायनि हाबिला फिथिखाजों आं नागिरो नोजोरनि सोरगिदिं।

गलाप खुंगुर बसुमतारि  
कक्राझार।

## सिन्दुर

बिमा बर' हारिनि  
सिन्दुर हिनजाव माहारिनि  
गोमा लांदोंमोन बर' बिमा  
आलाइ सिलाइ जाबायमोन।  
सिनाया जाबायमोन बिदा फंबाय  
सारअन्थाय बेरदोंमोन बर' गामियाव  
श्राव-श्राव ग्रुम-ग्रुम, ग्राम-ग्राम  
हुम-हुम, हाम-हाम  
हादोंमोन अखा दामब्रा  
बोहैलांदोंमोन गोजा थैनि बाना।  
लोगो लोगो मोदैन अखा हानानै  
सुस्रा लांबाय हिन्जाव माहारिनि  
खाफालनि गोजा सिन्दुरखौ  
गोमा लांनयाय मोदोमजों  
थाफानाय गहेना।  
गोमालांबाय गोबां बिदा-फंबायनि सह',  
बुरैनांबाय गोबां बर' आइजो  
रान्दि जानांबाय गोबां आयजो।  
आश्रम खुलिदों आसामाव  
बर' हिजावफोरनि दुखुखौ नुनानै  
मुड बिनि सुवालकुसी  
नाथाइ बिगुमाया सोर बिनि ?  
हे आइ बर' बिमा/अनसाइ हरदों  
आइजोफोरखौ  
थिनहरदों सिन्दुर फुननो।  
मोनबाय बर'आ दखरसे बि टि सि  
गाइसनदो बर' आश्रम  
मुं होनो बि टि सि आश्रम।

मुस्त्रि गलक बसुमतारि  
गामि- सनत्ला  
ला:सो:- जारकना  
जिला- बागसा, बि टि सि ( आसाम )

आं अरायबो आरजगाबो रजे  
अबनि सेराव  
नौनि आरो आंनि  
इयुन जीउनि गोजोनखौ रजे.....।

मुस्त्रि जनकलाल बसुमतारि  
गामि- काइ मारी  
जिला- कक्राझार, बि टि सि ( आसाम )।









आसाम सरकार

आदार, राइजोआरि रानसारथाय आरो बायगिरि बिफान

मोनसे पुरिस्टिगोनां समाज दाफुनायनि  
फार्से गुबुन मोनसे माइलनि खुन्थिया

19,92,167

माहारियारि आदार रेखाथि आइननि  
सिडाव गोदान मुलाम्फायारि सोसन्नाय

आर'ज लाइ गथायनायनि सम

19

सेप्टेम्बर

15

अक्टबर 2024

फर्मफोरखौ गासैबो जिल्ला/महकुमा आदार, राइजोआरि रानसारथाय आरो बायगिरि  
एफेयार्स दालाइ आरो अनलाइन [pds.assam.gov.in](https://pds.assam.gov.in) आव मोन्नो हागोन

ड॰ हिमन्त बिश्व शर्मा

गिबि मन्थि, आसाम

### हारंथायनि शर्त



आर'ज खालामगिरिनि बोसोरारि नख'रारि आर्जिथाया 4 लाख रंनि  
बाडाइ जानांगोन



भेलिड आधार कार्ड थानाया गोनांथार



आर'ज खालामगिरिफोरा भारतनि नोगोरारि जानांगोन



राइज्यो सरकारनि सिडाव थानाय गासै मास्टर र'लनि मावफारिया, सानफ्रोमबो  
हाजिरा मावग्रा, मिरु आरो राइज्यो सरकारनि आर्जिथाया 4 लाख रंनि बाडाइसिन  
गोनां थिका बिथानि मावफारियाफोराबो आर'ज खालामनो हागोन

### मोनसे नोजोराव जाफुंसारनाय



#### दिनैसिम

गासै मुलाम्फागिरि | 2,31,97,608  
गासै नख'रफोर | 66,86,845



#### दानआरि रानसारथाय

1,28,020.51 मेट्रिक टन माइरं



#### 2023-24 आव गोदानै सोसन्नाय

गोदान मुलाम्फागिरि | 42,85,745  
गोदान रेसन कार्ड होनाय | 10,73,489

इ-प'स मेसिननि गेजेरजों  
बेसेन नाडै माइरं अनलाइन  
रानसारनायनि हार

97%

राइजोआरि रानसारथाय खान्थिनि रोखाथिखौ बांहोनो आरो बेखौ बांसिन मुलाम्फायारि अरियेन्टेड खालामनो, सिनायथिडुहोदों  
'अन्न सेवा दिन' ( मोनफ्रोमबो दाननि गिबि 10 सान ), नोगोरारिफोरनो गोनांथार सिबिथाय आरो बेसादफोरखौ गोलेँयै मोनहोनायनि खाबु होनाय



आबुडै सुफुंनाय आर'ज बिलाइ ( फर्म सि)जों लोगोसे गोनांथि जानाय फोरमान लाइफोरनि कपिफोरखौ गामि ओन्सोलाव लोब्बा  
गोनां गाव पन्चायतनि मावखुलि, नोगोरारि ओन्सोलनि लोब्बा गोनां मिडन्सिपाल्टि/मिडन्सिपाल निगमनि मावखुलि एबा जिल्ला/  
हमकुमानि आदार, राइजोआरि रानसारथाय आरो बायगिरि एफेयार्स मावखुलियाव गथायनांगोन



बांसिनै मिथिनोथाखाय,  
जगाजग खालाम

- जिवा/महकुमानि आदार, राइजोआरि रानसारथाय आरो बायगिरि एफेयार्स दालाइ
- आदार, सुबुं रानसारथाय बायगिरि एफेयार्स आरो लिगेल मेट्र लजिनि टल फ्रि नम्बर  
1800-345-3611 आरो 1800-345-3588 ( 10:00 एएम-5:00 पीएम)

फोरमायथाय आरो सुबुं फोनांजाब बिथोनगिरि मावख', आसामजों फोसाव जानाय

Connect with us @diprassam | dipr.assam.gov.in